

*MJ*  
*RAFAL*

Si MJ Rafal ay nagtapos sa Politeknikong Unibersidad ng Pilipinas. Kasalukuyan siyang nagtuturo ng mga asignaturang Filipino, Panitikan, at Malikhaing Pagsulat sa parehong unibersidad.

## PAGKATAPOS

Sa malayo, walang-nagbago sa daigdig.  
May indayog pa rin ang mga alon,  
Na sumasayaw sa dalampasigan.  
Humuhuni pa rin ang mga ibon, asul ang langit.  
Namumúkol ang mga ulap sa papawirin.

Sa malapit, wala ngang nagbago sa daigdig.  
Suot-suot ng alon ang wasak na face mask.  
Tinutuka ng ibon ang nakasuksok na hiringgilya  
Sa dalampasigan. Gusot-gusot ang langit  
Sa harang ng lukot na face shield.